

文苑英華卷第八百八十一

碑三十八

家廟二

馬公家廟碑一首

相國崔群家廟碑一首

代郡開國公王涯家廟碑一首

馬公家廟碑

李宗閔

元和十五年夏六月有詔天平軍節度使檢校禮部尚書
兼鄆州刺史御史大夫扶風縣開國伯馬公作三廟於京
師秋九月新廟成冬十月有一日命公母弟推攝祭行陞
祔之禮既卒事推率其族人耆老相與言曰馬氏之先以
功名顯於周漢之際下魏晉氏族世寢衰今公起自窮身
遂爲方伯克有宗廟勤亦至矣願得銘之於石以示後人

俾其無忘艱難而世世享祀不絕其亦可乎咸以爲然公名惣字會元扶風茂陵人也昔舜伯益掌上下草木鳥獸歷夏殷周世不失職其後造父事穆王有勞賜之趙城氏後七世至叔帶去周適晉事文侯後三世生夙爲晉玉卿遂專國事後八世與韓魏三分晉地建國稱王後五世趙之公族有名奢者將趙有功封馬服君其子孫因別爲馬氏自奢七世至通爲漢武帝侍中以二千石始自邯鄲徙茂陵於是屬方疑作右扶風故號扶風馬氏在三國時多仕於蜀更宋至宇文周連連有人公之五代祖曰士儒爲隋江亳二州刺史亳州生伯達入唐舉進士爲懷河內尉樂黃老長生之說棄官從孫思邈遊隱于茅山河內生顏舉

進士又舉八科士於高宗天后朝爲御史尚書兵部郎屬

天下羅織熾起以不證皇族罪用失其官已而歎曰吾雖

不逢吾子孫宜有達者兵部生光粹五歲而能詩舉進士

爲榮榮陽令功化甚美榮人傳之榮陽生皇考諱佺年十歲

則受左氏春秋授日記萬言後方以經明行高歷仕諸侯由

校尚書職方郎中爲吉州刺史治行卓允升聞于朝進

襄州名加賜命服竟以官卒公旣孤追念世業以爲五代

祖有文才仕隋官不過郡吏高祖父懷至道曾王父有陰

德鬱積而未發三父皇考惠澤在人而皆存不議於朝歿

而祭於寢重祥累慶其不在茲乎乃刻心自脩以道迎天

之休學明德成名聲四聞於諸侯辟書交至公又言曰古

之貧無以祭必求仁者之粟然則不以其道雖日用三牲
不如魚菽之爲潔也故在滑與中貴人迕在閩不協於柳
冕以是濱于死而厄窮十年公亦不悔憲宗即位知公之
賢追刺泉慶二州以御史中丞都護日南以國子祭酒觀
察於桂以往升御史大夫師于百越徵拜尚書刑部侍郎
尋副丞相晉公討淮西淮西平遂代晉公鎮其地加工部
尚書治蔡州居一年蔡人和且寧遷于許州而并有殷蔡
朝京師留拜禮部尚書華州刺史而爲鎮國軍元和十四
年齊寇始誅朝廷以其地廣人衆易生搖動拆其都府別
爲一道而分曹濮之田以益之命爲師齊人之不廷于今
六十年民窮而無告兵驕而好亂公至則布以誠信示之

法式纖悉而不苟寬柔而有威居一年人盡安田益闢三
軍百吏上下有節上聞之進封扶風伯加銀青光祿大夫
復追贈王父爲尚書工部郎中祖母常氏爲扶風郡太夫
人封皇考爲兵部尚書母鄭氏爲滎陽郡太夫人以褒寵
之命立三廟備致祭以告成功嗚呼人之富貴顯榮以祀
其先祖世多有之如公之超不失政終始如其志者斯亦
難矣得不謂之大孝乎明著後世可以無愧銘曰

今皇帝即位六月東藩臣物惣使使者上言有司以臣名數
謬登禮當廟祠皇帝曰昔我憲考聰明聖武兵衛四出掃
定郡邑愛敬忠良爲民父母實命汝惣作藩于東始平淮
亂遂撫鄆封庇二邦仍世不戾民痛無告卒驕而頑苞奸

窺隙以萬以千汝來尸之莫不順然朕初即位汝適報政
疇汝爵邑書于功令惣拜稽首敢亂疑休命皇帝曰咨無
汝私蔡人不龔汝則治之齊人不安汝則綏之勤亦至矣
而賞何卑命汝爲伯即封於岐惣拜稽首非臣之力陛下
先臣實有明德臣蒙其慶幸以守職皇帝曰咨我今有詔
追榮爾先以昭爾孝啓爾土宇錫爾宗廟惣拜稽首死無
以報乃命季推作廟京師由門及堂不偏通不僭龔楹刻栴
秩秩施施是卜是擇仲月吉日三廟之主第升于室登降
享獻夔夔齋慄公猶居外推奉以行克薦誠敬如公在廷
神祇安樂福祿來并維公之興蓋自諸生維艱維難乃克
有成咨如疑作汝後嗣無忘此銘

相國崔群家廟碑

牛僧孺

憲宗紀元十四年詔右相中書侍郎平章事清河公群立
家廟于長安崇業里廟三室粵五月二十二日天子命以
羊一豕一助奠太常出博士一人相禮儀即日加贈烈考
金部公尚書左僕射極顯親之榮錫教忠也先是丞相清
河公諷日卜牲致齋盥洗朝服立於阼階之東司儀告辨
宗祝讚贊事奉贈鄭州刺史府君神主祔於第一室夫人樂
平郡太夫人王氏配座室曰皇考廟奉懷州刺史贈太子
少師一作今府君神主祔于第二室夫人魏國太夫人李
氏配座室曰王考廟奉今贈太尉府君神主祔於第三室
夫人齊國太夫人盧氏晉國太夫人王氏配座室曰考廟

始迎嚴嚴卒事競凌俛興舒於愉愉勿勿瞻虔俯慕盼嚮
交格逮聞質明禮既勿違君子於是觀卿大夫之孝而知

周德之所在矣廟第一室曰鄭州公諱湛字湛然以德門
清閥冠當代之疑作弘度茂質儀措紳以全用其業識文

武釋褐常州武進縣主簿累遷遷穎川榮陽二長史動必中
禮遷必以庸治官將私皦皦矩矩歲終上能宰相啓公為

壽州刺史未被詔而公捐館為有德者之所哀痛第二室
曰懷州公諱朝字守唐書世系表作懿忠即鄭州公第二子也純

粹疑秀發為菁華臨蒞不耀舉適大當蜀天寶羯起虎臣
扞難眎得士為勇弱公以辟三府由試大理寺直攝監察

御史四遷檢校倉部郎中兼侍御史知鄭穎兩州節度使
觀察留後錄刺史事時副元帥梁國公抱玉以全師軍岐

下餼饋廩食悉責於公急須草草一呼三索應卒尤翔子
辨綽綽移試國子司業兼懷州刺史內殿召問賜金紫寵

之以基址大用未幾改檢校左庶子充河西隴右糧料使
是以志將疇謀陟岵以不及致詔恩重此露前能優贈秘

書監大夫家風行孝具於貞元中右相司徒榮陽鄭公餘
慶神道碑文第三室曰贈太尉公諱積字實方懷州公之

嗣子也善一作習史書五言詩為文而敏政建中年德宗符
梁漢九州歲貢瑟縮不集上在巡責賦稅急租庸包大夫

表公嘗從二府事澄磨割剔以斬斬於當時累請公以秘
書丞殿中侍御史為判官居廣陵楊子運江南以超行在

公號憂國厄晡且自力蹄馳楫飛職貢填路寇平謝免脩
 然脫履雖蹤希象外而功行羶灼為時湏速遂適無容矣
 三遷檢校金部郎中司自陝以東水陸運會其年失仲弟
 哀踰於禮遂嬰疾不起其後罷章七告身自司徒公冊贈
 太尉至於初終密行具於舊相令太常趙郡李公絳神道
 碑文夫以鄭州之厚仁懷州之器業金部之忠孝三良百
 行施豈無集元和年清河公竟以全德文武恭忠温直憲
 宗外綏華戎內接萬機條綱品例踈貫析析不質不要天
 下瞻信立言者熾疑作識丞相之輔理而知三廟之遺愍遠
 矣古者道施於仁則鏤於鍾彝書於簡編其或行浮而實
 未稱者史氏闕逸乃必噫立公於謚誅發輝於文辭寄金石
 存景行以備紀事者以之茲仰採今清河公積祥聖代庸

焯聞推始反本以崇宗廟廟桃和祝方豐非一中於度牲牲且第

無有缺時春秋禘嘗盡忠忠盡敬猶以丕烈耿光未克篆籀

泣奉家老狀請隴西牛僧孺傳而誄之銘曰

昭昭成廟楹松楠栢斷之磨之謹古不飾二門耽耽瞻東

應南周匝墀垣庭植冬陰三室時荷肅械嚴深濟濟孝孫

以時饗之簋尊豆簋簋既具而且恪恭聲聞如見如疑明德

馨香百福已來厥初大風齊太之遺支胤茂秩累累而賢

榮陽之仁河內之木太尉植行將開以先冊元感靈乃儀

鳳凰丞相厥生輔我唐章忠孝懋宣興時太平耀榮祖宗

以尊顯親既祭則禮一作以敬如一作存牲罕具肥祝史

贊神宗婦宗工整整平平社祚之傳傳若火移薪於萬斯年爰有記云

代郡開國公王涯家廟碑

文粹作典元節度使王公先廟碑

劉禹錫

唐制五等有爵服而無山川登于三事得立四廟備物崇祀以交神明敬先報本以輔孝治有國之令典也惟長慶

三年前相國王涯

集粹作公

始卜廟於西京崇業里公時鎮劔

南東川上章曰隳涯官秩印綬品俱第三請如式以奉宗

廟制曰可是歲仲冬申命長男孟堅祔其主于三室明年

公入為御史大夫復以十一月躬行蒸祭間歲公出梁州

就拜司空禮崇異數廟加常祀

文粹作祀室

大和二年增新室

既成祔顯考于宗

二本

位告饗由禮觀之者以為世程

一室曰上儀同幽

集作幽

州別駕府君諱元

文粹作元

政以妣博

陵崔氏配第二室曰湖州安吉縣令贈尚書刑部員外郎

府君諱實以妣贈扶風縣太君馬氏配第三室曰朝散大

夫青州司馬贈戶部侍郎府君諱祚以妣贈武威郡太夫

人賈氏配第四室曰温州刺史贈大尉府君諱晃

二孝以

妣贈魯國太夫人博陵崔氏配初周靈王太子晉遇浮丘

公化為神襍時人號曰王家其後遂以命氏顯於秦者王

文粹

作日翦三世將秦師子孫分居晉代間東漢有徵君霸霸

孫甲亦號徵君徙居祁縣為著姓故至于今為太原人自

漢涉魏益以熾昌凡十葉至後魏度支尚書廣陽侯罔廣

陽有二子神念神感神念南奔梁神感北仕齊惟儀同府

君廣陽侯五代孫也唐興于太原實從義旗佐成王業故
 有開府儀同之寵惟刑部府君以功臣子理二邑不躋貴
 仕故有錫羨後大之祥惟戶部府君幼孤以孝聞於鄉曲
 未冠以文售於文粹有司由前進士補延州臨安縣主簿
 會詔徵賢良策在甲科授瀛州饒陽尉歲滿遷渭南尉天
 后在神都而東畿差重遂由渭南轉河陽適逢建萬像神
 宮甸內吏分董其役因上書切諫繇是名益聞開元初以
 大理司直馳軺車聯讞大獄閩禹朔漢文粹所至文粹作
 决平早以纒棘傷生晚成劇恙樂就夷曠故不至大官惟
 大尉府君生於治平時以文學自奮年十有五貴然從秋
 武明年春升名于司徒又一年玄宗御層樓發德音懸文

置

詞政術科以置髦士府君策最高授太常寺太祝未幾復

以能通道德南華冲虛三真經進黜屋尉天寶中歷左文

作拾遺左補闕禮部司駕二外郎屬幽陵亂華連二本兵

南服因佐閩粵改檢校比部郎中行軍司馬時中原甫寧

江南為吉地二千石多用名德乃以府君牧温州朝廷虛

公卿以俟高第及聞永嘉人輟眷罷社薦集作紳問以不

淑相吊冊馬雖位負于道而邁德垂矩後之人得以續祚不

揚之其儲休啓祐有白云爾生三子皆聰明絕人長曰沿

以神童仕至檢校禮部郎中次日絮以奇集作文仕至國

子祭酒今代郡公實季子也早在文仕籍射策連中咸世

其家貞元中德宗聞其名自藍田尉召入禁中視草厥後

三典書命再參內廷憲宗器之付以國柄翊贊有道雖冊
免常居大僚今年自梁州請覲上思用舊臣為羽儀遂領
太常其公府如故以一心事六君顯官重務靡不揚歷且
夫起諸生至三公而心愈卑道益廣出授黃鉞以臨集注
諸侯入服華章以謁家廟追崇極大位血食備多室享全
榮而奉詔薦嗚呼公侯之孝歟宜書廟器以視橋公之三
鼎其辭曰

闕宇神庭邃清而嚴上公之儀四室耽耽犧以絜牲粢以
大糝交神尚敬合魄尚氣子姪宗工駿奔奉事副筭侈袂
儼恪居次孝孫兢兢執爵而升以祿文粹以伏以興
水陸具來羶薌器畢登列于園方其氣增增乃初蒸嘗二本

論乃敬而追遠二昭二穆孝以尊本瞻瞻几幄踳踳堂闈
禮成起慕涕落玄袞濡露踐霜誰無永懷不如達者哀與
榮借逢時奮庸誰不得位不如仁人以道為貴惟公之達
分名以顯親惟公之仁兮德以澡身六朝之清臣一代之
全人宜其世家翼亮二本作振振罔不恭肅集作祗于廟

門集作于
門廟之門

校正六十四字

六月十二日

文苑英華卷第八百八十一

文苑英華卷第八百八十二

碑三十九

家廟三

東都留守令狐楚家廟碑一首

天平軍節度使殷公家廟碑一首

淮南節度使檢校尚書左僕射趙郡李公家廟碑一首

首

東都留守令狐楚家廟碑 集作彭陽侯令狐氏先廟碑 劉禹錫

今上元年七月十三日汴州刺史宣武軍節度副大使知
節度使 檢校禮部尚書兼御史大夫上柱國彭陽縣開國伯令狐

公西嚮拜章上言守臣楚蒙被恩澤列為元侯得立家廟

以奉常祀制書下其奏于有司於是善相考祥得地于 集作

文苑英華卷第八百八十二

於京師通濟里居無何新廟成公以守藩故申命季弟監
察御史定卜牲練日越八月丁亥祔享經三室瑄墉以尚幽
設幄以迎精禮無尤違神用寧謚第一室曰秦州上邽縣
尉諱睿以妣太原王氏配第二室曰綿州昌明縣令贈吏
部尚書諱崇亮以妣贈太原郡夫人河東柳氏配第三室
曰太原府功曹叅軍贈司空二字集作太子太保諱丞集作承簡以妣
贈魏國太夫人富春孫氏配明年十月公由浚郊以介主
入覲直拜九部尚書進爵為侯既辭戎旃集作旗得以列侯
謁三廟是歲南至上不視朝又得以展時祭先期致齋粟
然以敬既齋盡志歆然永思奉其百順陳以具物始躋而
虔恭終獻而汎瀾既卒事顧麗牲之石宜有刊紀乃俾家

老校其牒于所知云令狐晉邑也晉大夫魏顆以輔氏之

功始封焉其易名曰文國語所謂令狐文子是也集作其

先周文王之昭畢公高之裔畢萬為晉卿始封于魏自萬

至穎蓋四世其後三十七世藍田侯虵仕拓跋魏為燉煌

郡太守子孫因家遂占數為郡人藍田之孫熙在隋為納

言惟上邽府君納言之玄孫道克肖而位不至惟尚書府

君西州之右族光未耀而德已基惟司空集作太保府君志為

君子之儒以明經文粹作經學居上第調補陽安縣主簿歷正

平縣尉汾州司法叅軍陝西大都督府兵曹終於太原府

首掾始以顯經進既仕旁通百家愛集作愛非穀梁子清而婉

左丘明國語辨辭而工司馬遷史記文而不華咸手筆朱墨

究其微旨愷悌以肥家信誼以急人德克齒耄獨享天爵

故休祐集作祐集于身後徽章流乎佳城凡以子貴承集作承

澤降命書告第者始贈尚書祠部郎中再贈禮部尚書三

加右僕射四進太保五為上公八字集作四字今稱先夫人亦四徙

封密印累累邦族聳慕生三子皆才彭陽公為嗣次子從

端實肅給今為檢校膳部郎中叅河東軍事季子前所謂

監察御史今主柱下方書温敏而有文綽綽然真令兄弟

惟彭陽公以才名翰飛叅侍從八字集作以詞筆取科名叅侍從由博士

主尚書牋奏典內外書命遂登樞衡言文章者以為冠擁

節總戎率身知集作和是衆留于盟津變風于浚都言方畧者

以為能夫浚師嘆喑難治乘輿竊發寢成習俗菑政二作本

五載飲和革心束馬來朝憑熊集作熊罷文粹作人皆隕涕問公還

期觴必祝之留為常伯旋命居守汴人聞公之東近而愈通

集作俞懷翹瞿集作翹瞿盡文粹作咸西其首言遺愛者可紀焉貴

而率禮老而能慕林惕乎霜露齊莊乎廟祧睦其仲季施

及鄉黨言孝悌者歸厚焉勒銘于碑以代夷文粹作彝鼎銘

曰

已孤之孝莫如備物顯彼二本顯新廟四阿三室時維仲月

卜用柔日醊醴苾芬牲牲特文粹作肥膾籩鯢在堂蕭管在庭

孝孫蒸蒸躬文粹作恭若捧盈低簪委紳薦俎登鉶盥交感

流涕集作涕流緣纓禮以備儀誠以致美祖考來格錫之休集作

丕祉工祝告記退循軒所乃授風人作詩以紀猗歟彭陽

之寵光佐憲皇穆集作王非西省東臺迭為侍郎國之大柄集作

政咨爾平章敬宗疑旒俾鎮雍丘入為地官集作守東

周彭陽之忠厚宜介福以壽東郊既鑿可復朝右綿綿其

胄系于周舊由我顯起必昌其後大和紀元作廟之首刻

碑廟門龍集巳酉

天平軍節度使殷公家廟碑 馮宿

能樹休勲著茂功豐人爵列天秩焜耀當代恢張其門者

幾何人哉不有營繕乎先宗廟而後宮室不有禋祀乎愴

春秋而感霜露太和甲寅歲天平軍節度使檢校尚書右

僕射陳郡殷公侑建家廟于京師末平里之東北隅禮也

前此表陳其請詔報曰俞勿亟成功度思來格於是乎

獻尸奠盞之茂典徵以繭粟浴蘭之通制冬十有一月辛

亥奉工部衛尉騎省三府君李氏周氏劉氏三太夫人神

主克祔于其室自西徂東靡愆靡豐守經擬古處約為恭

追惟我氏之權輿二十一代祖封在東漢桓靈間為諫議

大夫出冀州刺史避黨錮棄官挈家屬南渡江栖於曲阿

邁德流芳或隱或顯繁于家牒播于人聞十九代至工部

府君諱楷字文絢一作詢高宗朝四岳舉高第釋褐拜雍州

新豐尉累遷大理丞天授中以議獄平反為酷吏所陷貶

台州永寧丞今上太和八年七月詔追贈工部侍郎衛尉

府君諱玄覺字元明十八明經出身以工部府君處明夷

之時持法不撓謫居而歿未歸舊阡茹荼調選求為寧海

尉既克營護祔于先兆遂大布之衣終身不言祿與工部
府君同日追贈衛尉少卿騎省府君諱懌字易從少負志
氣博學善屬文弱冠遊太學籍甚於公卿間天寶末知天
下將亂乃捉裝東歸侍太夫人版輿徙居吳郡吳中士大
夫得從府君遊者鄉黨以為榮本道採訪使李希言辟為
從事奏授試崑山尉浙東節度使薛兼訓請為謀奏授試
右衛兵曹參軍並不就事具今東川節度禮部尚書揚嗣
復府君神道碑元和至寶歷中累追贈左散騎常侍於戲
三君皆位不允疑作量道屯於時贈典累錫單恩逮及天
其或者將厥後必有達人疇庸績服在於茲者不然何陳
郡公之龐鴻魁梧磊柯昭彰若此陳郡公大度宏略自誠

而明垂髻而早別立志負笈而見賞先達佐輶軒不辱於
絕域并禮闈有聲於未常爾其起草彌綸剖符愷悌五諫
之弘益十連之勞徠徵拜名卿出乘元戎奮餓夫為齊氓
化亂邦為善部襁負始至壺漿遽迎錫命就加璽書亟降
時以為賀公以為憂桂人洪人滄人鄆人既尸祝之又謳
歌之異日鄭伯來朝韓侯入覲執圭有委蛇之狀捧俎中
洞屬之容揚名立身養親繼孝賢臣之懿喆彰矣君子之
能事畢矣夫碑之於神道者懸空疑作所用碑之於廟門
者麗牲所資先祖無美而稱之之為一作誣先祖有美而
不稱之之謂不明古之人銘其功烈於鼎今人銘其德善
於碑若然則轉石他山搜詞直筆垂攸久於刊刻託堅剛

以居諸鼓音無窮鍾慶不匱盡在是已其銘曰

帝里西偏天街右方三室兩廂克建一作構斯堂於惟浸昌

云誰經之郵侯殷君云誰處之祖烈宗文藹然清芬揚名

顯親教孝申敬是為率德可以觀政莫之與盛比時備物

追遠後始無違享嘗茲用受祉固在元祀祝嘏言具案盛

既飭罔絕敬齊如聞歎息有典有則順考前典聿脩明禋

事死猶生為能饗親爰奉爰尊於惟皇祖恃法不回酷吏

所擠竟孤其才僉曰哀哉穆穆王父天鍾孝德啜泣封樹

歸全兆域報日罔極荷那先子超度名輩遠圖中輟貽慶

後代玄鑒不昧否道既傾復迷非遠奉烝如在欽若報本

飛章瀝懇秉越有虔干城巖然永懷悽愴長薦吉蠲於滿

韓年

淮南節度使檢校尚書右僕射趙郡李公家廟碑

白居易

王建侯侯建廟廟有器噐有銘所以論譔先德明著後代

或書于鼎或文於碑古今之通制也維開成某年某月某

日宣武軍御史節度使檢校尚書右僕射汴州刺史上柱

國賜紫金魚袋趙郡李公齋沐祗栗拜章上言請立先廟

以奉常祀於是得請于天子承式于有司是歲某月某日

經始於東都明年某月某日有事于新廟外盡其物內盡

其志三獻百順神格禮成其友居易以李氏南祖唐宰相

李乃趙郡李氏有南祖世家名爵與僕射志行官業書于

西祖東祖集作宗廟非

麗牲之碑謹按家畧九代祖善權後魏譙郡守八代祖延

觀徐梁二州刺史七代祖續馬頭太守六代祖顯達隋顯

州刺史五代祖遷皇朝宜毅二州別駕贈德州刺史高祖

季集粹鄉右散騎常侍贈德集粹州刺史曾祖府君諱敬

玄總章儀鳳間歷吏部尚書侍郎同中書門下三品中書

令弘文館太學士監脩國史封趙國公謚曰文憲才智職

業載國史今祭于第一室以妣荆集作國夫人范陽盧氏

配焉王父府君諱守一屬世難家故不求聞達避榮樂道

與時浮沉終成都府郫縣令今祭于第二室以妣榮陽夫

人鄭氏配焉先考府君諱昭集作歷金壇烏程晉陵三縣

令府君為人篤於家行飾以吏事動有常度居無惰容所

灑之邑有善政辭滿之日多遺愛不登貴仕其命矣夫祭

于第三室以先妣上谷夫人范陽盧氏配焉府君累贈至

尚書右僕射夫人累贈至上谷郡太夫人前後凡三追命

六告身二本渥澤疊洽自葉流根從子貴也郫縣洎晉陵

府君咸善積于躬道屈于位儲祉流慶而僕射生焉僕射

名紳字公垂六歲丁晉陵府君憂孺慕號踊如成人禮九

歲終制孝養上谷太夫人年雖幼承順無違家雖貧其旨

無闕侍親之疾冠帶不解者三載餘可知也執親之喪水

漿不入口者五日餘可知也先是祖考妣晉陵府君前娶

早洎叔父兄妹之殯咸未歸祔各隅集作一方公在斬衰

中親護九喪匍匐萬里及期喪事禮無闕違至誠文粹感

文粹

神有靈鳥瑞芝之應事動鄉里名聞公卿言孝友者以為
表率憲宗嗣統三年李錡盜據京口公寓居無錫擢第東
歸錡聞公名署職引用初詢以謀畫結舌不對次強以章
檄絕筆不書誘之以厚利不從迫之以淫刑不動將僇辱
者數四就幽囚者七旬誠實神明有死無二言名節者以
為準程朝廷嘉之拜右拾遺歲餘穆宗知公忠孝文行召
入翰林特授司封員外郎知制誥遷中書舍人承旨前滕
二本作承 顏鮑滕知無不言獻替啓沃如石投水俄拜御史中丞
戶部侍郎既而望屬台衡朝當晏駕時移世變遂出掾高
要佐潯陽旋為滁壽二州刺史大凡公之為政也應用無
方所居必化卧理二郡以去害為先故有盜奔獸伏集作依

之感廉察浙右以分憂為功故有卹隣活殍之惠尹正河
洛以革弊為急故有摘奸抉蠹之威文宗知公全才知文粹

作汴難理乃授鈇鉞俾鎮緩之初宣武師人驕強狠悍粗
亂微利積習生常公既下車盡知情偽刑賞信惠合以為

用一年而下懲勸二年而下服畏三年而下耻格肅然不
變薰然太和撫之五年人俗歸厚至於捍大患禦大災却

飛蝗遏暴水致歲於豐稔免人於墊溺噫微公之力汴之
民其為殢乎其為魚乎殊績尤課不可具舉天下征鎮淮

海為大非公作師師不足以長束諸侯制加銀青光祿大夫
揚州刺史淮南諸州二本節度觀察等使餘如故詔下之

日出次於外軍門不擊柝里巷無吠犬從容五日按節而

東百姓三軍挈壺漿捧篋醪遮道攀餞者動以萬輩皆嗚咽流涕如嬰兒之別慈母焉噫若非孺袴之惠及其幼鷄豚之養及其老又推赤心置人腹中者則安能化暴戾之俗一至於此乎西人泣送東人歌送二本梁楚千里風變化移膏雨景星所至蒙福于時開成會昌之際上方致理公未登庸顛顛蒼生還二本望而已盛矣哉大丈夫生於世也以忠貞奉于君以義利惠乎人以黻冕貴乎身以宗廟顯乎親以孝敬交乎神宜其荷百祿輔一德為有唐之宗臣者歟君子謂李氏之廟也休哉公之祭也順哉然曰有孫如此有子如此可謂孝矣也故其碑銘曰二本祭祀從貴爵士二本有秩諸侯之廟一宮三室皇皇西室

皇祖中書曾

二本

孫追遠昭穆有初顯顯中室王父即令

順孫祇享盡

文粹

盡敬肅肅東室先考晉陵嗣子奉薦

孝思蒸蒸嗣子其誰僕射公垂公垂翼翼齊嚴諒直為子

為臣有典有則載膺休命載踐右職以孝肥家以忠報

二本

肥國乃授侯伯纛鉞旂戟乃饗祖禴牲牢黍稷家聲振耀

國典褒飾六命徽章三世血食光大遺訓顯揚先德子孫

承之垂裕無極

校四八十三字

六月十三日

文苑英華卷第八百八十二

文苑英華卷第八百八十三

碑四十神道二

將相一

此下七卷英華所編夫作者孰後今正之

太子少傅蘇環神道碑一首



贈太尉裴神檢神道碑一首

太子少傅蘇環神道碑

盧藏用序張說銘

維唐景雲元年歲在庚戌十一月己巳太子少傅許國蘇

公薨于崇仁里之私第春秋七十有二嗚呼哀哉無此二字

粵明年三月己酉制葬我公于武功之先塋禮也公諱環

字昌容京兆武功人也其先出自帝高陽厥胤曰黎實勤

火正逮昆吾之子始封於蘇以國受氏公其後也暨漢平

陵侯子侍中嘉魏侍中則晉尚書遜聯華國圖代載明德

公高祖周度支尚書封國公諱綽立言成務垂法後王言
曾祖隋尚書僕射開府儀同三司雍州牧諱威嘉暮成績
懿于當代大父隋尚書職方郎中鴻臚卿諱夔理綜群品
識覃衆妙烈考秘書丞沁台二州刺史追贈岐州刺史遊
藝聚學素風不墮一作墮公系上聖之遐緒鍾盛德之衆茂
資元和以體仁穆清明以成美初孩而孤稟絳郤夫人之
慈訓幼而岐嶷聰敏冠常始讀山棲志一覽便誦及長博
通經史尤善屬詞年十八進士高第補寧州參軍轉恒州
司法丁絳郡夫人憂自中出涉寒塞從至京兆哭不絕聲臣
以禮全形以哀瘞左庶子張大安以孝悌上聞服闋拜恭
陵丞轉相王府錄事王改封豫官亦隨府上帝即拜朝散

大夫尚書水部員外郎未幾兼侍御史淮南蕪按餞轉
官員外郎兼官尹丞歷水部祠部郎中兼判司禮事以親
聯出爲朔州刺史轉歙州刺史武興令檢校冀州刺史累
遷汾鼎同汴楊陝陝以累最入爲尚書又拜右丞加銀青光
祿大夫遷尚書左丞戶部尚書又拜侍中京師留守兼理
冤滯車駕還京持節河北安撫加金紫光祿大夫轉吏部
尚書東都留守尋追還守本職尋拜尚書右僕射同中書
門下三品封許國公脩國史今上踐祚拜尚書左僕射屢
抗詞乞骸優答不許拜太子少傅公長子頴歷給事中中
書舍人嘗與公聯侍紫墀接機黃閣前後之拜近古未有
公體道貞固立志一作心簡直多識前言遍詳舊事自周隋

損益家牒可紀公則紹之罔不畢綜故閨門之內孝悌成
則朋友之間忠信克舉其在參佐也婉孌柔嘉醜夷不爭
其事藩邸也從容諷議賓僚是仰四爲郎而彌綸之功布
于省閣九爲牧而循良之績著于州郡周旋二轄焯燿文
昌廻翔兩宮耀鑠巖廟版圖國之信而五教在寃家宰人
之紀而九流式叙左右端揆盡訐謨之畧東西掖闈備志
謹之美德逾盛而心益下位彌大而行益恭用能高而不
危長守富貴考父三命謙光數朝平仲一心中孚累聖非
至德淑慎疇至此哉夫其仁恕篤密清庶簡惠躬儉約以
自持蹈名教以檢物祿以周給不積於家財以睦親必均
於衆故義廣而私謁之途阻名揚而兼濟之道宣茲亦叔
叔之賢國僑之懿也幾深通志精晤默識然文以跡跡一
皆靡絢其華學以辨微固伸於已故始終機揆舉無遺策
斯又子房之智孔明之能也造膝沃心務存匡救引過稱
善不近於名故聲聞於天而口無擇績宣于事而心罔專
蓋叔子之仁孔子之慎也兼斯衆善以享明德方將三階
載理兩宮更曜天命不祐奄忽遷殂朝喪其植人隕所戴
天子悼焉臨遣太府卿李從遠策書帛祭輟朝三日有司
備禮發哀追贈司空荊州大都督賻絹八百段米粟八百
石凶事葬事並官給賜東園秘器大鴻臚卿監護官爲立
碑皇太子別次發哀遣洗馬弔祭賻物二百段義和擇日
太常考行朱旂載路班劔啓行哀榮之禮備矣諸侯之孝

終矣公家代尚儉載在縑竹是疑作生也門無主賓堂無客其終也瑩無封樹隧無碑表大漸之始遺令遵行頌等

泣血受命罔有踰越雖逼朝肯不旌墳壙建碑于瑩北一十五里故文藝之行經緯之迹雖備于國章布在人口懼

違先訓皆略而不書中書侍郎同中書門下平章事范陽張公雅俗之鎮具瞻令德文章之雄談者為楷偉公道德

之首徽猷可行刊石紀頌穆如清風頌曰一作其詞曰斤斤蘇公正體張集作體正含道稟靈淳粹為唐元老忠以衛

主孝以立身文以經國惠以安人司牧九郡九郡爰靜平章百工百工爰整千載典憲三朝綱領上纂先人五代相

國下垂餘慶七子令德帝謂庭碩伊公是似一作按侍至蟬序拜金虬聯華壘潤佐我天子於戲彼蒼國餘云亡光

頽五嶽天拆三公備禮詔葬群官會喪掌史司德刊銘路傍

贈太尉裴行儉神道碑

張說

星辰玄集作懸象所以殷時布氣然而行不言之道者天也

文武用才所以勤官定國然而收集有致字無為之理者帝也

當高宗之休運任名世之良臣清九流而闢四海代天工

而張帝德歷選前哲豈多乎哉公諱行儉字守約河東聞

喜人也其先出于羸姓伯益音之後也秦則裴侯始封漢則

侍中受職魏晉之代鬱為盛門八裴方於八玉聲振海內

三子尊為三祖望高士族自冀州刺史徽至公十二代中

軍將軍雙虎唐諱至公六葉代無遺德不隕厥問者已大王

父伯鳳周驃騎大將軍光汾二州刺史琅邪郡開國公大

父定高大將軍馮翊郡守襲琅邪郡公諸侯受封山河傳

國天子共理循良克家考仁基隋左光祿大夫以陰圖王

克充仗義拔舊主遭時不利王折名揚聖唐龍興旌淑勵節

贈原州都督命謚曰忠盡集作謚春秋之褒也公清明本乎

世德正性出乎胎教氣潤河靈貌雄岳立仁孝之道天生

而知將相之器與年俱長以高蔭為弘文生絕事篤學累

年不舉房僕射異而問焉對曰隋室喪亂家亡集作典籍

館有良書探討未徧故少留耳梁公驚曰驥子志氣凌雲

一日千里其早為通人之目也如是明經補左屯衛倉曹

詔舉轉雍州司士選金部戶部二員外歷都官郎中長安

令明慶中與長孫太尉褚河南論及中宮廢立國家憂患

有公伯僚講行於季氏出為西州長史又改金山副都護

又拜安西大都護西域從政七八年間窮荒舉落重譯向

化我之獨賢邊之多幸乾封歲徵為同文少卿尋除司列

少常伯官復舊號為吏部侍郎加銀青光祿大夫自居銓

管大設綱綜辨職差忒審官序爵法著新格言成故事上

元中長星出天禿髮入塞詔公為洮州道左軍總管又為

秦州鎮撫右軍總管並受元帥周王節度雖祭公有諫耀

武之事不行而方叔陳集作帥師來威之道備矣儀鳳二年

十姓生可汗匐延都支為集無此字裴李遮匐潛構大戎

倣擾西域朝廷憑怒將行天討公進議曰敬玄敗績於茅
 戎審禮免胄而入狄豈可絕域更勤集作王師今波斯王
 亡侍子在此若命使冊立則路由二蕃便宜取之是成擒
 也高宗善其計詔公以名冊送波斯兼安撫大使公往蒞
 遺愛洽於人心是行也百城故老望塵而雅拜四鎮酋渠
 連營而謔酒一言召募萬騎雲集公乃解嚴以反讎託獵
 以訓旅誤之多方間集作聞其無備裹糧十日執都支於帳
 前破竹一呼鉗遮匍於麾下華戎相慶立碑碎葉蓋美克
 雋不殺而是講集作要用謀要人以德而去害審集無此字廓氛
 侵於地表輝皇靈於天外去九國有屯田之頌寶憲有燕山
 之銘訂集作茲遠略彼何微也遷禮部尚書加上柱國又

特降恩命兼右衛大將軍夷典秩宗神必據我文昌有將
 天遣存焉調露中單于可汗伏念外叛大鴻臚蕭嗣業喪
 律詔公為定襄道大總管軍至朔州斥堠相接匈奴故態
 徂劫糧以餒師神將出奇張虛勢以陷敵偽為轉運伏其
 壯士示羸師以緩行隱精騎以躡迹寇果大下援兵奔散
 騎虜益驚自為得色驅此車牛憇彼泉井於是箱中兵起
 千弩齊發要路騎飛一息而至群胡顛沛殺傷滿野從此
 饋運路無驚者觀夫大漠無倪穹廬靡所追之逃遯捨之
 憑陵費日老師兵家所病公潛使緩頰均其利心深圖既
 入狼意亦改及委罪衙官陰送降款公密上其事入莫之
 知及如期舉國歸附煙塵大起師徒惶惑公徐使令軍

曰此是伏念執温傳來降非他寇也俄而啣壁轅門釋縛

納疑帝加^嘉厥勲命尚書崔知悌乘駟勞軍備禮獻凱冊勲

之日程務挺張虔勗者行軍之偏將也訴言子勞^{集作營}逼

逐方降大軍又屬秉鈞忌才上下其手公曰雖不逮群師

之讓功^{集作力}猶恥與二王之競力^{集作功}今而殺降後無來

者乃封公聞喜縣開國公而伏念温傳皆戮都市是年也

伏念弟元珍擁其餘種復叛則天稱制追正宿枉贈伏念

太僕卿程張諸家別故夷族君子以為神理之不可誣也

永淳元年詔公為金牙道大總管未行遣疾四月二十八

日薨於京師延壽里春秋六十有四長子貞隱早卒嫡孫

叅玄嗣封莢是^{諸孤哀童幼}高宗悼焉贈幽州都督賜

凶儀還鄉喪葬官供禮部郎中監護窀穸之數率禮有加

別勅留守委皇太子擇六品京官一人檢校家事五六年

間待兒孫稍成長日停籠極哀榮禮之厚者擇^{集作周}及^{集作存}

沒義莫重焉太常議謚博古多能文武表式曰憲其年十

月葬我憲公於聞善之東良原禮也神龍中興朝思舊德

贈公揚州大都督開元孝享皇帝辛^{集無此}宰嗣延恩贈

公太尉生不登于^{集作乎}台階沒追位乎靈庫序四時於地

下^{集作地}調三光於天上^{集作天}聖人神教意在茲夫^{集作乎}公志堅

慮精神勇識澈藝必討本學皆覩^{集作與}又善測候雲物推步

氣象鬼無遁謀靈不蔽用著文集二十卷造草字數千文

皆寶傳人間以為代法又撰譜十卷又為軍營行陣部衆

料敵等四十六訣大聖天后令秘書監武承嗣就家取進
以為秘密述三字集豈比馬卿浮華難留封禪之草劉安

虛誕空傳鴻寶之書而已哉加以汲引沉淪推獎氣類虛

懷而襟帶不設弘亮而城集作府洞開故虎旅雲從詞林

響應若羽毛之宗麟鳳衆川之長江河也在選曹見駱賓

王盧照隣王勃楊炯評曰炯雖有才名不過令長其餘華

而無集作實鮮克令終見蘇味道王劇嘆曰十數年外當

居衡石後各如其言其在軍麾擇帳下之士則有張知運

薛訥閻敬客其元陳裴思諒王智方呂休璟劉玄意引偏

裨之將則有程務挺張虔勗王方翼崔智普党金毗郭待

封劉敬同李多祚黑齒常之凡所進拔盡為名將此則有

道之人倫武侯之賞鑒也公之送波斯也入莫賀延磧中

遇風沙大起天地冥晦引道集作皆迷因命息徒至誠虔

禱徇於衆曰井泉不遠湏臾風止氣開有香泉豐草苑苑在

營側往來之人莫知其處此乃耿公之拜井商人之化城

也公在禮闈勅賜善馬及寶鞍令史奔馳馬倒鞍破懼而

逃罪公使詔之曰知汝誤耳又平都支遮副副大獲珍異首

長將吏請遍觀焉有馬腦大盤希代之寶也隨軍王休烈

捧盤跌倒應時而碎碎叩頭流血惶怖請死公笑曰事有不

意何至重玉而害人乎此又文饒之含容邴吉之仁恕也

公西擒都支北降伏念前後錫馬五百疋僅二百人金銀

器物三千器錦剝織皮三百段公受置庭中旬日散盡此

又趙屠之待士田文之市義也若夫知人以為本感通以
為行善貸以為常散積以為樂古之友道者從事於斯矣
公元夫人河南陸氏兵部侍郎爽之女也陸氏卒繼室以
華陽夫人庠狄氏有任姒之德班左氏之才聖后臨朝召
入宮闕拜為御正中宗踐祚歸養私門歲時致禮媯皇集
后補天進參十亂少康嗣夏退叶三從晉朝公卿列拜虞
潭之母周官音注近同韋逞之家皇上臨極旁求陰政再
降綸言將留內輔夫人深戒榮滿遠悟真筌固辭羸憊超
謝塵俗每讀信行禪師集錄永期尊奉開元五年四月二
日歸真京邑其年八月遷窆之於終南山鷓鳴堆信行禪
師靈塔之後古不合葬魏無不之成遺志也長子參玄官

至涇鄧二州刺史聿脩厥德人亡道存次子延休并州文
水令世載文雄家傳草聖次子慶遠協律郎深達禮樂克
和神人咸負長才同淪短運季子光庭侍中兼吏部尚書
輔政當熙致君堯舜孝理發乎陵廟仁澤遍乎松檟是故
妻以夫榮母以子貴集無以字尚書先贈方伯中命上公夫
人舊封華陽增號晉國詩云文武言甫萬邦之憲上公有
焉又曰彼美孟姜德音不忘小君有焉孝經云立身行道
以彰集作顯唐諱父母侍中有云合三德而為家橫百代而濟
美信可以言時稱代鏤石刊金者歟神道前銘薛令所撰
且有後命俾余係述焉遷世家益孟堅之一傳劉寬表墓
並伯喈之兩碑報德教忠俱傳不朽銘曰

天生亞聖祚此王國文綜九流武參七德柔遠服叛窮西
盡北赫我皇靈去其蝥賊仁則不遠智何不周如山之峻
如川之流術與神合藝將道遊書來懸帳賊賦出登樓司馬
軍陳官人紀綱帝嘉加常伯國于開喜室有令妻家成克于
社金傳世桓圭守祀神道集作上台求介邦祉

校百六十九字

六月十四日酷暑揮汗校此

文苑英華卷第八百八十四 碑四十一 神道二

將相二

梁國公姚崇神道碑一首

右僕射太子少師唐璿神道碑一首

侍中兼吏部尚書裴光庭神道碑一首

故開府儀同三司上柱國賜揚州刺史大都督梁

國文真公姚崇神道碑

張說

叙曰八柱承天高明之位定四時成象亭毒之功存畫爲
九州禹也堯享鴻名播時百穀棄也舜稱至德由此言之
知人則哲非賢罔乂致君堯舜何代無人有唐元宰曰梁
文貞公者位爲帝之四輔才爲國之六翮言爲代之軌物

行為人之師表蓋維嶽降神應時間出者也公諱崇字元之姚姓有虞之後遠自吳興近徙于陝今家洛陽焉烈考長沙文獻公樹勳王室建旗萬府公統綺而孤克廣前業激昂成學榮問日流武庫則矛戟森然文房則禮樂盡在弱冠補孝敬挽郎又制舉高第歷佐濮鄭並有聲績集本文粹入為司刑丞天授之際獄吏峻密公持法無頗全活者衆進夏官員外郎郎中侍郎朝廷曰能遂掌軍國遷鳳閣侍郎監脩國史兼相王府長史始則天人讓王承置醴之顧終以飛龍利見延驟乘之恩自時厥後恒當大任凡三處兵部尚書三入中書令一為禮部尚書左庶子又肅政大夫物靈武庫兵馬又司僕卿知隴右監牧使出典毫案

常越許申徐潞揚同十郡景雲初以藩邸舊寮封梁國公

食賦百室公性仁恕行簡易庶懷泛愛而涇渭不雜真率

逕二本盡而應變無窮每文粹作常推是心以御於物故

所蒞必昨庶風偃桀驚二本化從言不厲而教成政不威

而事理去思觀頌來暮聞歌既登邦政卒乘輯睦及在宗

伯神人克諧今之中書是為理本謀事兼於百揆論道惣

於三台公執國之鈞金玉王度大渾順序休徵來臻懋德

格天名遂身遜拜開府儀同三司崇其秩逸其志也初太

夫人在堂公受任文粹西掖頗限尙禁求侍晨昏優詔既

許尋命二本還職公固請以泣制曰家有令弟足慰母心

國有棟集作臣安可斲闕其後部符江表敷諭起復纒麻

外墨樂棘內毀變禮中權通識所貴神龍之首與聞興復
疇其并賦累讓而停夫以革故鼎新大來小往得喪而不
形於色進退而不失其正者鮮矣君子曰忠不忘親仁也
哀不違事義也讓功辭邑禮也濟代全名智也仁以長人
義以和下禮以安上智以周身宜其光輔四帝軒冕三紀
池臺琴筑優游暮齒傳爵土於祚胤保祿位於終始矣享
年七十有一開元九年九月寢疾薨於東都之慈惠里皇
上悼焉國人慕焉撫牀輟舂曾未云比制贈揚州大都督
謚曰文貞禮也十年二月葬於萬安山之南原在疾也王
人賜膳御醫視藥集作御藥于薨也中使弔臨羽儀哀送君
臣之義厚莫重焉已并矣思綴遺美以寘罔極有

詔掌文之官叙事盛德之老銘功將以寵宗臣揚英烈帝
乃灑恩仙翰鏤澤豐砥日月照臨於佳城煙雲變態於神
道寶其文字別為群王之山禁其樵蘇即表三司之墓銘
曰

源深自虞派別從吳避地魯陝居家洛都神明遠契岳瀆
真符翊聖斯偶生賢不孤仁將勇濟孝與忠俱學文粹作月
攢植文鋒迅驅纒安卑位即聘長途惟實惟有若虛若無
再三軍國一二訐謨戎柄尤重王綸最樞兼司任切久政
榮殊黼藻彌煥丹青靡喻喻以寬容物以鑒分區外或形放
中恒禮拘箴雖誠口諍亦忘軀但覩渾璞誰詳瑾瑜伊咎
尺寸管樂錙銖名遂身正二本作名言誠願乎方辭漢祿

更辱齊祖既積而散窮歡盡娛川歸東極日去集作西晡

上惻旒袞旁悲路衢藍田美玉荔浦明珠載廣休慶爰弘

典謨豐碑乃立盛業其輔補帝念頻軫仙毫特紆鐫金刻石

鳳篆龍圖七耀光動三泉澤濡銓文粹能欽事理鬱詞敷

求舊銘寶慙二本作慙而殫蕪殫而慙緬思雲霧尚想江湖有道

之德其何以踰延陵之墓空此嗚呼存歿終始遐哉邈乎

右僕射太子少師唐璿神道碑 蘇頌

欽若於天者謂之代工覆冒于人者謂之成務則調元氣

法三象鼓洪爐宜萬物其代工成務之本也簡大僚所以

服其事明先正所以詔其功紹卜熊羆所以占其兆從龍虎

所以合其應匪徒然而已哉有唐元老宋公侯矣公諱璿

字休璟晉昌酒泉人也昔在夏商大夫陳其氏姓洎漢

晉季子聽其聲樂豈軒之後唐之遺乎既仕楚而聞魏亦

家秦而滅項涼武昭王攬中州之傑居右地之盟七代祖

晉昌宣王和佐厥威霸守其夷險故累為郡之首族粵宣

公遠我曾祖驃騎大將軍開府儀同三司贈兗州刺史諱

某世位大將軍二千石大父洛陽令朔方郡贊特贈秦州

都督諱某烈考咸陽令贈岐州刺史諱某操斧鉞班珪瑞

者耀洪烈於四世垂餘風於百里於穆不已莫之與京公

初髫而孤入則孝出則悌承於母兄之旨及冠而立學以

聚問以辨從於師黨之言焉張嘉運先授於易森然可見

者萬象賈公彥次授於禮坦然可觀者百度射策高第初

補吳王典籤歷綿州邑巴西尉同州馮翊主簿弗之好也嘗

欲屠郅支刺樓蘭執渾邪逐呼韓始自謀於將帥終見器

於公輔遂為踈勒道行軍從事策勲至上柱國授營州都

督府戶曹參軍尋以朝散大夫檢校朔州刺史長蓋養能而

成績矣轉安西副都護檢校庭州刺史長壽中武威軍大

惣管王孝傑之復四鎮實賴其謀表公為西州刺史涉龜

涉薄烏壘子精絕慰渠此之謂也公至則扶厥傷止其擅

因所利補其闕故西州之士刻石而建碑焉無何遷靈州

都督新昌軍防禦營田等使入蕭關殺都尉絕梓嶺討符

離此之謂也公至則城彼方要其險狎諸野黎其實故北

地之大者有備而無討矣就加銀青光祿大夫入拜左

輔將軍遷司衛卿未幾攝右肅政大夫檢校涼州都尉假

節隴右諸軍事參警夜之肅嚴不特之敬禁事典之常者惟

公是遷受南憲之寵惣西四方之役邦家之急者繫公是任

其年麴莽布支率種落數萬寇於洪源也公訓鉦鐻完甲

兵以禦之虜見積尸之凶我懸斬級之賞遁則忘亡草在而

蒙棘他他籍籍不可勝云朝實休之除右武衛右金吾二

大將軍俾仍舊鎮雖貴而不留中也先后稽六官之本思

五法之要自我聰明惟天照鑒乃拜公文昌夏官尚書同

鳳閣鸞臺平章事隱心而行正色不撓功多微官議切安

劉中宗之踐副君旁求中庶特轉公太夫太子右庶子加

金紫光祿大夫知政如故召綺里而稱叔孫也屬駕言北

昭一作

垂薄伐東鄙復公為夏官尚書兼幽營二州都督安東都

護按河北一作之州軍一作自邺鄆巡遼碣貪夫廉而忌

法戰士逸而待寇且有倫要而無怨讎神功初徵拜輔國

大將軍同中書門下三品遷特進尚書右僕射食實封三

百戶已而居守秦雍今之揆路古曰台司百寮師師萬事

理也分郡闕而興之鎮京師以留之豈富人之始封亦鄩

侯之大任位益高而勇退年愈邁而思止抗聞旒袞密奏

封章久之聽致仕進封宋國公朝朔望天子方崇文太學

講武宣揚延首鴻儒傾心碩老復以公為太子少師監脩

國史乞言而書法也景雲初匈奴請公主盟使臣為約束

堅致辭或給國命公為持進檢校御史大夫朔方軍大將

管以禦之伏宸威肅戎令人莫聞於吠犬騎寧憚於射

舉則全師還而罷事將簡棄軒冕神明芝木然邦有大禮

樂大政刑率由典謨罔不資度享年八十有六景命不造

延和元年七月戊子薨於長安懷真里第嗚呼哀哉皇上

聞哀撤懸出次揮涕追柳莊而承命一作思鄭產而安歸

制贈使持節都督荊州諸軍事荊州刺史贈物四百段米

粟四百石喪事官給仍差官四品一人監護有加等也太

常考行謚曰忠書不云殷之得傳用訓朕志而承其道雅

不云周之命程是我戒我師而就其緒於戲惟公浚明前

典允迪古訓惣而成之入則獻規出不言政石建孔光之

比決勝千里通知四夷子房克國之亞為將軍尊重於位

而謝賓客公之不敢專為丞相開陳其端以歸人主公之
不敢伐如是則鏤彝器圖旂常載史官列盟府矣夫翠鵠
犀象非不鷲也有其用則不全麟鳳龜龍非不靈也無其
時則不至若乃時已借用不竭身已康名不滅者既明而
且哲也公上惟祖禰傍至功緦頃於槐里之間謹原之右
卜其兆圖其域各以族而為之度焉臨薨戒諸子曰儉則
自完孝不忘本吾之志矣嗣子陳州刺史先脊左千牛中
郎將先擇等克奉遺命能循懿業以年月日塋于舊塋亡
夫人太原王氏從祔禮也昔翕息進里奚於秦而穆公之
政厚虞丘進叔敖於楚而莊王之力霸故有世祝而代祿
焉則我師臣計功胤子私風小彼秦楚之事大哉常平之

烈謀可父者敢作銘曰

稽古陶唐惟帝之初遷虞事夏俾侯而起居盤峻峙令德
之祉亦曰綿系誕生君子君子伊何邦之宰臣宰臣伊何
秉我洪鈞登于廟堂王則是保服于戎狄公嘗致討事惟
一心恭乃三命從讓願老歸閑體正天也不愁人之云亡
大夫掌域郡公會喪咸陽北坂渭水南渡其如邢山未此
防墓王則是保疑
作王躬是保

侍中兼吏部尚書裴光庭神道碑 張九齡

夫道遵常習故盖人拘於凡也得精亡麤是天縱於聖也
方聖上之拔太師也豈籍譽於朝廷哉徑取士集作才於無
跡懸收功於未朕而終致大用克成休勛使祖虛名者見

十字日星樓記

西子而憎貌工橫議者聞魯連而杜口乃知古謂則哲維
帝其難今之得人遇聖為易能允明主之鑒不負真賢之
實者其在正平中憲公乎公諱光庭字連城河東聞嘉人
也伯翳之後與秦同姓始封于裴因邑命氏在魏晉之際
為人物之傑與瑯琊王氏相敵時人謂之八裴八王自茲
厥後弈代更盛大王父定周大將軍馮翊大常瑯琊公大
公仁基隋光祿大夫追贈持節原州都督天之既厭隋德
矣見危致命不亦難乎謚之曰忠憲春秋之義也父行儉
禮部尚書兼定襄道行軍大惣管聞喜縣公贈太尉時或
有姦集作王命矣禁暴安人不謂重乎謚之曰憲尊名也
也公即獻公之第七子降神元和含光不耀越在初服集

已有老成雖遠大是圖而近識莫悟學探帝載何事小
名業綜人倫豈矜一善弱歲居太尉獻公喪幼以孝聞尋
補弘文館學生神龍初明經擢第授家令寺丞轉太常丞
加朝散大夫景龍中以親累外轉尋入為陝王友改右衛
郎將丁晉國太夫人憂柴毀骨立殆至滅性服免起為州
別駕未之就也復除右衛郎將無何遷率府中郎嗟乎有
其道而無其用不可行也得其時而不得其志亦不可行
也公負經綸之器翰王霸之畧自委海外臺榭遲下位出
外從事十數年間坦然而自若者何哉蓋知才有所必伸
命有所必與非苟而已開元中聖上思光祿之休烈嘉太
尉之元勳是必象賢其將大受特拜司門郎中轉兵部仙

臺之文始應列宿鴻漸之羽可用為儀遷鴻臚少卿以觀

其能也是歲天子有事于岱宗諸侯會朝于行在執籩豆

者不限於中外獻琛集作琛賁者亦勤於駿奔莫不來享無

有遠近而執正政以公代曉邊事職在行人且曰夷狄恃集

此豺狼黷盟阻德我今有事戎或生心我張吾師有備無

患若何公曰不可夫封禪者所以告成功也觀兵者所以

威逆命也云亭苗扈非一時之事也受服執燔非三代之

禮也天方佑我光啓舊服憬彼獯鬻能遠天乎無庸勦人

可以謀告從之秋九月突厥果使其相執失頡利發與其

介阿史德曷泥熟來朝公之謀也東封還遷兵部侍郎所

父之職夏卿之亞存而舉者悉以咨之公於是考遺訓補

闕典蒐苗獮狩之禮詳施稅簡稽之賦周禮大司馬施百

改征頌九畿之政設九伐之刑以練國容以精軍實邊鄙

不聳帝用嘉之既而拜中書侍郎同中書門下平章事兼

御史大夫王出言其言需乎人有歸也天憲惟明肅乎人知

禁也尋加銀青光祿大夫換黃門侍郎俄遷侍中兼吏部

尚書弘文館學士惣百揆之樞轄酌九流之泉集作淵奧

叶文軌之殷受天人之和木集作水火象鼎其惟實鍊山川

出雲用作霖雨時哉之會無得稱焉先是大化之行務以

玄默遵夫易簡舊章在而不議吏道雜以多端公於是求

革故之實契隨時之義作秩序以平之設循資以定之謹

權衡以選之考殿最以叅之姦回無所措其邪嚙啗不能

權衡以選之考殿最以叅之姦回無所措其邪嚙啗不能

介其量多士動色群方改瞻仰之者邈乎如山窺之者間不容髮或曰執事無乃惠歟公曰大命敢不敬歟若然方

將致六符於泰階驅百姓於仁壽豈直睥睨先正集作世唐諱

紛綸近古汨而隨流守而勿失云爾哉二十年冬上幸河

東祠后土命公兼左軍師禮畢賜爵正平男加光祿大夫

云集無此字抑人有言曰樹善莫如滋積仁莫如重則臧僖之

慶有後於魯樂武之德未絕於仁宜公侯之子孫必復其

始也公嘗讀易至乾之屯與升之漸喟然嘆曰物惡有滿而

不溢高而不危者哉既而居不崇侈動無踰法雖百乘之

家萬夫之長冲如也謂日用不知存諸方冊何天年未永

漢此台臣二十有一年春三月癸卯遘疾薨於京師平康

里之私第春秋五十八朝廷哀傷晁旒震悼制戶部尚書

杜暹即殯弔祭集作贈物五百段粟五百石喪事優厚官

供輟朝三日丁未有詔追贈大師謚曰忠憲使某官某監

候喪事以某月日葬我忠憲公於聞喜之舊塋禮也初知

星者言上相有變良臣將歿謂請讓之公曰使禍可禳而

去則福可祝而來也論者多之以為知命夫天下之達道

有五所以行之者三曰忠孝仁安君忠也榮親孝也周物

仁也此三者有一於集作于身鮮矣而公實兼之且媚于人

者必好其威福賢於事者必羞其謗政公知其然則以直

道匪躬之故忠莫厚焉禮為人子春秋以致享義於人臣

夙夜以從命公知其然則以時告如在之敬孝莫重焉夫

以衡石之任陶鈞之力莫不責於下吏求備於一人以故
舞文雷同疑獄歲構恬而不改浸以成風公知其故則以
信察御物之惠仁莫加焉其行已奉公皆此類也嘗所著
述率于箴規以為傳叙九族本枝百世集作代王者之盛也
而義不可以無訓作瑤山往記維城前軌以諷之微而彰
志而勸聖人之舉也道不可以虛行作續春秋自戰國迄
于周隋以統之臣子義也天人之際備矣非洽聞通理其
孰能與於此乎宜其存無幸人歿有遺愛嗣子積積京兆府
司錄事參軍孝實克家動必中禮丕承後厚命紆天鑒而增
華敢跡前脩琢豐碑而不朽銘曰
重作舜虞鍼分晉土慶流入族德盛三祖琅琊象賢懷文

佩武光祿忠烈殺身報主尚書出將恢我王畧文教內
武功外鑠緇衣之弊惟公繼作用晦而明處豐思約鴻臚
好謀夏卿稱職代天施化佐皇立極納于憲府好是正直
乃宅冢司謀猷允塞盡瘁事國夙夜在公居無闕政正歿有
餘忠天子命我頌德銘功日月有既令聞無窮

校四十九字

六月十四日閱於抱素書屋

文苑英華卷第八百八十五

文苑英華卷第八百八十五 碑四十二 神道三

將相三

故相國杜鴻漸神道碑一首

冀國公贈太尉裴冕碑一首

故相國杜鴻漸神道碑

元載

皇帝正位建元之二年巡狩至陝郊季冬旋軫鎬京乃春

王正月臨前殿延群臣制詔太常卿衛公鴻漸研機味道

圖疑作翰人師俾時本不迷倚以為相史臣載與公同官西

掖聯務中樞入則並金門躋玉堂出則偕車輿馳廣路好

我不淺德公亦深建建于薨殂得入公之室睹公之奧節以

危難而固義以顛沛而彰故得復公之道察公之行開而

當名品物定辭觀公之辨政消煩辭結逢機立斷試公之
與物藥未扣猶陪行止彌留方殆必參嘗藥禱名者世人
之所重終不爲天適見公不在居死者有情之至哀賢於
貴生益知公之能達古史之云流美而不揚乃廢職書而
或畧近亦誣若然者則刊盛德於山阿藏茂勳於王府可
也公帝堯之胤家于京兆春秋末諸侯耗盡炎黃唐虞之
苗裔鮮有存者范宣子猶廣稱世閔盛誇穆叔而經秦涉
漢百王千載名公大人聯衡繼武玄宗朝叔考選門下侍
郎平章事以清節居東府垂拱中大父慎行荊州長史以
文武式南邦開元之際遷爲鳳舉安州都督以大名蒞淮
浦公杜陵男子遼廓不羈性與道合旁通多可思挹溟海

自涯皆返將窺語嘿杳然難究輒孩

老子聖人皆孩之

時人不屑

下位歷楊州參軍華縣尉大理評事司直關內度支副使
虛已而不疵於物存誠而受汙於俗天寶末將相交際海
內寒心家有襄陵之憂人懷崩角之懼公以爲期死不勇
必生非任莫肯念亂誰無父母於是始有濟難勤王拯溺
定傾之意祿山果憑材系凌霄京畿鞏洛成隴荒淆函爲
障塞命信臣梓一作率扼二華之險守河渭之隘以挫其鋒
分河隴材官據南陽當宛葉以遏其勢朔方節度中書令
汾陽王發緣邊利兵畧雲中出井陘以制其後汾陽拔公
爲戎副倚公以幕畫公議無返顧計不旋踵戒器蒐乘接
食饋軍斯須決機閑暇辨劇故佩鐸亮徒未鼓而破恒陽

逆守先聲而屈時大兵深入後計在完勅公西歸本軍鎮撫喻告調發兵食保綏華戎會哥舒翰亦有內出師桃林息二字

以不計合戰既而從散約離形離勢沮六軍折北而莫濟上將授元而不歸強胡犯關長戟指關關玄宗西巡巴蜀駐蹕槐里俾肅宗不從詔馬下受辭徵兵朔方東向問罪付

以神器之重勗以興復之謀肅宗承命感咽北馳惶怖邠郊無館穀之犒安定絕薪芻之餽始誅二守物情尚疑眾

纔一族邊郡猶驚遂踰平涼出蕭關直趣豐安阻河為固公乘疾有涼西上奏謁於白草頓請借前著以圖安危

靈州四臨兵車之會長安新破人心正搖姦豪竊窺雜種園目眾情一呼而可潰危機視景而斯發北轅未改捨此

矣之豐安僻界西垂北臨沙漠漢候吏不至疲兵經度儻軍門晏關過延舟未具蒼皇朔裔踰據無所非策之上也因條

列市租計入幕府文書守便宜山川要害肅宗撫公背曰靈武即我之關中河內鄉亦吾之蕭何寇恂虜在目中凶

讎不足殄也即日大駕移幸靈州守則完郭戰有全兵伐鼓舉麾下令風生東極榆谿西泊先零莫不裹飯而趨揭

弓而走重足揮汗惟恐居後肅宗雖受傳國之誥平戎之約謙讓未發守持益固願以撫軍討賊賊盡歸報遙稟威

畧不正位號公與御史中丞裴冕率呼韓單于羗戎君長校尉部曲塞翁老將頓首勸進封章十上肅宗深自閑絕

留中寢答公獨排闥及霽披誠見意哀辭扣玉瀝血洒一作

文苑上卷 卷之五 公卿上卷

淚地以為命不得廢讎不可玩稽天後時物駭人散文武
之業墜而莫振非天子之孝也上亦躊躇感動廻慮遷思
公乃陳儀撰吉登帝大位於是義徒推轂廻紇橫厲蹴踏
咸陽網羅關外救楚請命夷凶滌穢收秦復洛翊帝霸世
皆公之力也定策之初既以大功推裴郭疇庸之際竟以
常資為侍郎達者多公之遠名明主善公之能讓披我荆
棘在主簿而難忘張良布衣固封留而已足五涼四戰之
郊一作國荆州用武之地會稽淝河之險二都初定九服猶
虞傾側動搖三方尤急東西萬里出入十年仗節擁麾更
居迭撫公之在鎮河西無盜邊之警洞庭息三苗之禍海
寇不動甄閩順軌得公之効也如彼公之罷守素晁陷山

越康元燒夷陵大戎奪酒泉匈奴舒右臂失公之患也如
此今上即位以公先帝大臣明於治亂漢庭儒雅習於制
度往踐常伯登于相府禮崩樂缺自公綴之國綱天憲實
公持之為上從容論天下事甚眾潜跡密啓一作疏明可否
者非一慎深於削弊功隱於詭詞求泰中西南大將暴狠
淫霍腹心坐離師眾四潰雖事迫理順而形疑勢拒皇帝
憫百姓之不辜哀群將校之罹毒公奉辭授鉞單車詣蜀辨
邪正於一言安萬夫之反側始公未至皆鴟張內恐狼顧
外視及公申令則饑疑作飽德飲和且舞式歌岷峨既平雙
流已清衛公告成乃眷以寧帝曰丞相善謀能權蹈難履
危勤畧憂邊調弓弭施策勲勞旋公拜稽首天子萬年公

有濟世勸難之才遺物離人之政自深根以寧柢每乘流而洎波及位極台衡勳高梁益未脫羈璜璜終悲晚暮雖陳乞已屢而優眷愈深來朝之明年首夏初吉以東都河南吳越荆楚保釐之任分鎮之務俾公居中惣統遙領是歲仲冬月朔羸憊遜位及乎既望生涯告盡留誠諸子申約道但罷塗車芻靈之送黜聚儂豚楯之飾捐牢廢禮禮不封不樹解綬脫紳稅囊親主疑作待久客一作得而稽變是留歸而隔至從吾所好示祛俗累乃隱几喪偶知常委蛻恬然而終晏然而逝非合氣於漠得全於天駭形而忘損心具宅而無情死者其孰能至此極也惟公學奧九流技括衆藝忘象遺數達者知禮存於身而致於用也吉凶悔

吝散微破詭應於化而鮮於物也技經肯綮理悟神對宜其翼宣大政左右明聖位冠群后聲施來裔載不虞非據偶得累公責重憂深心昏意擾公則弘我以命起予以道未嘗不體平神清忽在世表以過必告我躬是保實欲依公戮力仰答玄造然後乞恩歸印相誓將老今左相齊公與子頴雙拜齊公全才稀售懷寶鄙試塵垢批糠陶鑄名器頴頴頴委運俯仰隨俗及乎培風撫翼立朝當國則骨鯁魁壘奮揚蹈厲端莊寤主饑渴憂世執邪導遵法起墜振廢方知達觀無早計月固不勝火逢指就而知人折拆大木而惟我時稱並用房杜所謂同登管樂式是百辟惠余小子爲新非固服我甚忘散衰未卷高秋林已行唯余與王相顧未

傷鄙夫誅德齊公洒翰將愧強名慙蔡篆之以疑其詞曰
陽驕必折陰勝亦邪剛柔雜居賢聖之家堂堂衛公含和
用中爲保自易當難不逢首陽誠拙柱下非工舖糟末位
致命危邦自西徂東足趺頭蓬簡稽衣食賦政理戎經營
指揮雲合風從定計翊帝革暴鋤凶退殊獨潔進不爭功
出征入輔計文經武洗蕩三蜀雍容兩府神邁形局思深
志遠封禪留草東山不歸台光折耀折耀白晝徂暉依仁孔夙
履信不暮自天之佑佑宜無悔怒天之荐瘡時丁耗斲音如
魚思涉若廢網音或歲大旱孰爲霖雨生公則惠喪公何
苦形有必行待死無不之誰存封域誰制喪期平阜漫澶野
漫離披延陵已遠戈者何知

冀國公贈太尉裴冕碑

前人

三爻二字

王者纂大業以拯時難君子合天符以成聖功在殷之傳
說周之申甫漢之博陸其類也臨大事一作息首大謀君子
正位邦國是憲其道也琰圭火龍玄社朱戶其祿也古之
人遇其時行其道濟其業受其祿嗚呼裴公斯近之矣公
諱冕字章甫河東大族著於系譜曾祖澧州刺史諱懷感
祖滑州司馬諱陟考長安丞贈司空諱紀自司空而上世
累清德公全樸以受其形器混冥以養其精和隤然大不
爲累方駕前古其禮容誠敬可陳於蠻貊施一作饗於鬼神
宜乎吉凶變幽而偶聖君精義致用而審天道天寶十四
載皇上避狄于華陽肅宗僞遊于幽朔公以御史中丞奉

一作幽

詔翼贊元良釋位濟河會于靈武與侯伯卿士官師亞族
考大德除殘之運唱靈祗億兆之心負金璽玉旒為人請
命于西土維天意群謀是告而蒼生災害是懷于時冊禮
既畢公乃自左庶子拜中書侍郎平章事從時望也帝曰
予欲教能罷食微偷公於是乎請蒐于岐陽朝于鄠宮以
干鍼陳師以蠻夷誅暴公定大業運開中興帝曰予欲端
百揆詔典司乃命公爲尚書左僕射於是予綱理庶工四
方來同左右始終十有三祀初自縣聯屬署監察御史嘗
有姦蠹吏公按之時寵權臣之戚也黨其犯而請于公公
竟正刑書不爲勢屈時論以公有不可奪之節故肅然由
是歷侍御史尚書郎者五其中以直遇坎牧蠻溪者二以

時當任兼憲臺鎮劍益各一以勳封冀真食五百戶以秩

開府儀同三司大曆

一有十
字非

四年冬十一月今上念伊尹

之一德思孔光之再起詔復入相旬有二日兼河南江淮
副元帥東都留守是月辛酉薨于長安年六十七翼日冊
贈太尉明年二月葬于京城南畢原詔京兆尹護喪事贈
布八百段凶儀葬帛具俾出有司昔在天寶之季公嘗爲
御史大夫王鉞譜毀無何鉞弟錕坐大逆有詔廷辨而克
首詞引及鉞公自下列抗其矯誣朝廷謂之不黨其後程
元振僭用威柄有道從虎賁公停車致詰面拆及雷在黜
無愠德仁遂行君子謂公誠盡於忠者在於禮外其身故
臨難不惑一其守故當事則明磅礴乎死生之間逍遙乎

晦明之境公嘗北使殊俗班命禮表單于君長稽顙屈膝
 覩王商而知懼從魏絳而來服以言尚其直以動尚其順
 以成事尚其濟物以進退尚其得中孝弟愛敬格于天地
 惇信明義通於鬼神帝王得之以奉天時百官得之以脩
 典憲佐命者二后歷事者三朝皤皤華皓為國元老執璧
 奉珪一作觴在君之堂生食邑土歿垂惠愛豈祿以為尊者
 其孤正授辭家老請志于石以代三鼎林鍾之義銘曰
 元精一作混降靈建乎人極邈矣冀公順帝之式鴻造覆育
 大鈞埏植業濟功成保和居直帝念髦碩二登輔翼為時
 養賢以及萬國昔在上帝降命元老以俠愷元一作以以
 明至道唐歷中否亦命我公順人載疑作天戡黎伐共德

謝星隕仁沉海竭大厦梁崩崇山玉折領袖前古綱維不
 鞣憧憧豐碑耿耿鴻烈永傳億祀遺芳不滅

校正六十四字

六月十四日

江蘇縣志

卷之五

